


ХАЛҚОНА СИЁСАТ

ЎЗ СЎЗИНИ АЙТМОҚДА

Аслида жамиятнинг жипс ҳаракат қилиши, ҳаётида рози бўлиши учун кўп нарса керак. Кишиларнинг дардини эшитадиган, муаммоларини ҳал этадиган адолатли тизим бўлса, бас! Президентимиз олиб бораётган ислохотлар самараси ўлароқ давлат идораларининг халққа муносабати тубдан ўзгарди. Бу борада Фарғонада ҳам салмоқли ишлар амалга оширилмоқда. Ёрдамга муҳтож аҳолининг муаммолари ҳал этилиб, ёшларни иш билан таъминлашга асосий эътибор қаратилмоқда.

Иккита гидроэлектр станцияси ишга тушди

Фарғона вилоятида қуввати 2,2 МВт бўлган "Шоҳмардон" ва 430 кВт қувватли "Водил" микро гидроэлектр станциялари ишга туширилди.



Вилоятнинг сўлим аҳоли пункти – Шоҳмардон қишлоғидан ўтган Кўксув дарёси бўйида бунёд этилган мазкур микроГЭСда 2 та гидроагрегат ўрнатилган бўлиб, улар орқали йилга ўртача 13 млн кВт/соат электр энергияси ишлаб чиқарилади.

Бунинг натижасида йилга 3,5 млн метр куб табиий газни иқтисод қилиш ҳамда 5 минг 400 та хонадонни электр энергияси билан таъминлашга эришилади.

Аҳамиятлиси, ГЭС ишга туширилиши орқали 8 нафар янги иш ўрни ҳам яратилди.

Маълумот учун: бугунги кунда Шоҳмардон қишлоғидаги 1205 та хонадонда 7 000 нафар аҳоли истикомат қилади. Мазкур микроГЭС марказий тармоқдан узилган ҳолда ҳам қишлоқ аҳолисига электр энергиясини етказиб бера олади. Худуд аҳолиси ва 40 дан ортиқ улғуржи истеъмолчи томонидан 2023 йилда 9,8 млн кВт/соат электр энергия истеъмол қилинган. Эндиликда маҳаллий истеъмолчилардан йилга ўртача

3,2 млн кВт/соат электр энергияси ортиши кўзда тутилмоқда.

Шунингдек, 430 кВт қувватга эга "Водил" микроГЭС ҳам фойдаланишга топширилди. Унинг йиллик ишлаб чиқариш қуввати 2,17 млн кВт/соатни ташкил қилиб, 904 хонадон, яъни, "Юқори Водил" МФИда яшовчи аҳоли экологик тоза электр энергияси билан тўлиқ таъминланади. Ушбу микроГЭС ишга туширилиши натижасида йилга ўртача 615 минг метр куб табиий газ иқтисод қилинишига эришилади.

Лойиҳани ишга тушириш орқали 6 нафар янги иш ўрни яратилди.

Маълумот учун: "Юқори Водил" МФИ худудидagi 1 907 та истеъмолчи томонидан 2023 йилда 869,6 минг кВт/соат электр энергия истеъмол қилинган. Мазкур микроГЭС ишга туширилиши натижасида маҳалладан ортган ўртача йиллик 1,3 млн кВт/соат электр энергияни кўшни Бўстон ва Обод маҳаллаларидаги истеъмолчиларга етказиб бериш имконияти яратилди.



ТАЪЛИМ МУАССАСАЛАРИ ЯНГИ ҚИЁФАДА

Ўзбекистон туманидаги "Кичик Тағоб" маҳалла фуқаролар йиғинида жойлашган 35-давлат мактабгача таълим муассасаси учун 150 ўринли, икки қаватли замонавий бино қурилиши бошланди. Бунёдкорлик ишлари жорий йилги инвестиция дастури доирасида амалга оширилмоқда.

Мазкур таълим муассасасининг шу кунгача фойдаланиб келинган бино-ишоотлари дастлаб, 1974 йилда дала шийпони сифатида барпо этилган. Кейинчалик, 1984 йилда собиқ жамоа хўжалигига қарашли болалар боғчаси сифатида иш бошлаган маскан мослаштирилган бинода фаолият юритиб келган. Сўнгги вақтларда ушбу муассасадаги 5 та гуруҳда 130 нафар бола тарбияланаётган эди. Кўп йиллик муаммони бартараф этиш мақсадида маънан эскирган бино ўрнида 150



ўринли, 2 қаватли замонавий маскан барпо этиш юзасидан инвестиция лойиҳаси тайёрланди. Мазкур ишларни амалга ошириш учун 3 миллиард 883 миллион сўм маблағ ажратилди. Ҳозирда пудрат ташкилоти томонидан муассасада қурилиш-таъмирлаш ишлари жадал суръатларда давом этмоқда.

Шунингдек, Ўзбекистон туманининг Яйпан шаҳрида жойлашган 49-умумтаълим мактабида ҳам янги ўқув йилидан бошлаб замон талаблари асосида ўқиш ва

ўқитиш имкониятлари янада кенгайдиган бўлди. Жорий йилги Инвестиция дастури асосида таълим даргоҳи учун 510 ўринли 3 қаватли кўшимча ўқув биноси бунёд этилмоқда. Қурилиш-таъмирлаш ишларига 4 миллиард 443 миллион сўм маблағ йўналтирилган.

Мактабнинг дастлаб, 1970 йилда қурилган мавжуд бинолари 860 ўринга мўлжалланган бўлиб, сўнгги ўқув йилида масканда қарий 1 640 нафар ўқувчи икки навбатда тахсил олишган эди. Ўқувчилар

сонини мактабнинг мавжуд сифимидан қарий икки баробар ортиқлиги, навбатлик коэффициенти белгиланган нормалардан юқорилиги каби муаммоларни бартараф этиш мақсадида инвестиция лойиҳаси тайёрланиб, амалга татбиқ этилди.

Намунавий лойиҳа асосида қад ростлайдиган 3 қаватли янги бинонинг қурилиш ишлари "Independent broker" хусусий корхонаси бунёдкорлари томонидан амалга оширилмоқда.

Оилавий меҳмон уйлари

Риштон туманида АКШнинг USAID ташкилоти ҳамкорлигида тадбиркорлик ва ишбилармонлик муҳитини ривожлантириш лойиҳаси доирасида ташкил этилган CBТ (Community-Based Tourism – жамоат туризми) вакиллари учун ўқув семинари ташкил этилди.



Тадбир туризм соҳаси вакиллари оилавий меҳмон уйлари таснифлаш усуллари муҳокама қилиш ва ўргатиш учун бирлаштирди. Бу эса кўрсатилган хизматлар сифатини ошириш ва сайёҳларни жалб қилиш учун муҳим қадамдир.

Семинарни ўтказиш учун бежизга Риштон танланмаган. Чунки Риштон – қуллолар шаҳри ҳисобланади. Буюк ипак йўлида ташкил топган, Фарғона водийсининг энг қадимий шаҳарларидан бири. Марказий Осиёдаги энг йирик ажойиб сирланган сопол буюмлар маркази ҳисобланади. Шаҳар номи жойига кўра қулло тупроғи қизил гил – қизил рангга эга бўлиб, қадимий сўғд "Раш" ("Руш", "Руши") – "Қизил ер" сўзидан пайдо бўлган. Риштон қадимдан ўзининг 3 та бренди, яъни, қуллочилиги, қандақ ўриги ва девзира палови билан машҳур бўлганлиги сабабли бутун дунёдан туристлар оқими тобора кўпайиб бормоқда.

Шунинг учун Ўзбекистон хусусий сайёҳлик ташкилотлари уюшмаси (АЧТО) бу ерда олдиндан тренинг ўтказишга қарор қилди. Тадбир давомида уюшма мутахассислари томонидан оилавий меҳмон уйлари ишини ахшиллашга қаратилган тарғибот ишлари олиб борилди. Семинар иштирокчилари "Туризмда таснифлаш", "Оилавий меҳмон уйлари таснифлаш", "Хизматлар сифатини баҳолаш параметрлари ва мезонлари", "Классификаторни ишлаб чиқиш: таснифлаш тизимини яратиш жараёни", "Классификатор вариантини пробация қилиш: амалий қўллаш" каби муҳим мавзулар билан танишдилар.

Оилавий меҳмон уйлари томонидан тақдим этиладиган хизматлар сифатини баҳолаш учун ишлатилиши мумкин бўлган классификатор варианты ва рейтинг юлдузи белгисини тақдим этишга алоҳида эътибор қаратилди. Ушбу янгилик сайёҳларга яшаш жойларини танлашда ва оилавий меҳмон уйлари рақобатбардорлигини оширишда ёрдам бериш учун мўлжалланган.

Эҳтиёжмандларнинг муаммолари ҳал этилмоқда

Ўзбекистон туманида оғир ижтимоий аҳволдаги эҳтиёжманд оилаларнинг муаммоларини ўрганиш ва ҳал этиш асосида уларнинг яшаш хонадонлари таъмирланиб, оила аъзолари учун муносиб даромад манбаи яратилмоқда.

Бундай хайрли ишларнинг бошида албатта, туман ҳоқими Шерзоджон Юлдашев турибди. Яқинда ҳам шу каби хонадонларда бўлиб, фуқаролар билан учрашиб, очик мулоқотлар ўтказилди. Қисқа вақт ичида туман сектор раҳбарлари, ташаббускор муассасалар ҳамда саховатпеша инсонлар кўмаги ва ҳомилигида тумандаги ундан зиёд оилаларга беминнат ёрдам курсатилди.

Хусусан, ўзгалар ёрдамига муҳтож

оилаларнинг яшаш масканлари таъмирланиб, қулай шароитларни муҳайё этиш асосида улар учун муносиб даромад манбаини яратиш беришга ҳам алоҳида эътибор қаратилмоқда. Бунда оилаларнинг кўнималари ва қизиқишларидан келиб чиқиб хонадонларда кўзиқорин етиштириш, тикувчилик, гулчилик, беданчилик ва бошқа турли даромадли йўналишлар ташкил этилиб, уларнинг бандлиги таъминланяпти.

Ёшлар бандлиги таъминланяпти

Данғара туманида ёшларнинг бандлигини таъминлаш мақсадида 15 нафарига субсидия асосида асбоб-ускуналар берилди.

Маҳаллалардаги ёшлар етакчилари таъясига асосан, "Ёшлар дафтари"га қиритилган ёшларга тадбиркорлик фаолиятини бошлашлари ҳамда ўзини-ўзи банд қилишга кўмаклашиш мақсадида

темир пайвандлаш ускунаси, моторли культиватор, пишириқ печлари, ноутбуклар ва бошқа асбоб-ускуналар туман ҳоқимлиги ва Ёшлар ишлари агентлиги туман бўлими томонидан топширилди.

Аҳоли билан мулоқот

Қўштепа тумани ҳоқими А. Абдуллаев ва туман прокурори А. Худойберганов Катта Бешкапа ва Қорақушчи маҳалласида бўлиб, ҳоким ёрдамчилари томонидан аҳоли бандлигини таъминлаш ҳамда томорқадан самарали фойдаланиш юзасидан олиб борилаётган ишлар билан танишдилар.

Жумладан, маҳаллалардаги ўз ховлиларида новвойчилик қилиш билан бирга тегирмон юргизаётган ва брусчатка тайёрлаш фаолияти билан шуғулланаётган Д. Қамбаров ва тунукасоз Б. Хусановларнинг фаолиятлари ўрганилди.

Сўхбат жараёнида ҳар иккала тадбиркор ҳам бугунги кунда давлатимиз раҳбари томонидан меҳнат шароитлари яратиб берилаётгани учун миннатдорлик билдиришди. Туман раҳбари тадбиркорларга фаолиятларини янада кенгайтириш ҳамда кўшимча янги иш ўринлари ташкил этиш юзасидан таклифларини берди.

